



Inatsisartunut ilaasortaq
Aaja Chemnitz Larsen
/Maani

Inatsisartut suleriaasissaanni § 37 naapertorlugu apeqqutigineqartunut akissutit

Asasara Aaja Chemnitz Larsen

Ulloq 8. december 2017-imi Brexit pillugu Naalakkersuisunut apeqquteqarputit. Apeqqutit uannut akineqartussanngortinneqarsimapput.

Allakkat ullulernerqarnera: 28-12-2017
Suliap nr. 2017 - 28472

Postboks 1614
3900 Nuuk
Oqarasuaat (+299) 34 50 00
Fax (+299) 34 54 10
E-mail: nap@nanoq.gl
www.naalakkersuisut.gl

1. Aalisarnermut piniarnermullu tunngasuni Kalaallit Nunaanni Tuluit Nunaannut sunik atuuttunik niueqatigiinnissamik isumaqatigiissuteqarpugut?

Akissut:

Kalaallit Nunaat aamma Tuluit Nunaat niueqatigiinnissamut tunngatillugu toqqaannartumik isumaqatigiissuteqanngillat, tassami Tuluit Nunaat EU-mut ilaasortaammat.

Naalagaaffiit EU-mut ilaasortaasut EU-mut ilaasortaannermikkut nunanut allanut niueqatigiinnissamut isumaqatigiissuteqartarnermut piginnaatitaaffik Europa-Kommissionimut isumagisassanngortereersimalerpaat. Taamatuttaaq aalisarnermut tunngassuteqartuni tamanna aamma atuuppoq.

Naalagaaffiit EU-mut ilaasortaasut nunanut allanut aalisarneq pillugu namminerisaminnik isumaqatigiissuteqarneq ajorput, tassami Europa-Kommissioni EU-p Siunnersuisoqatigiivinit taamatut isumaqatigiissuteqartarnissanut isumaqatiginninniarsinnaaneranut piginnaatitaaffiligaammat.

Paarlattuanik Kalaallit Nunaata OLT-itut inissisimanera isumaqarpoq, kalaallit nioqqutissiaannik, nunanut EU-mut ilaasortaasunut tuniniarneqartunik, akileraarusiisoqaranilu akitsuusiisoqartassanngitsoq. Kalaallit Nunaanni aalisakkanik tunisassianik EU-mut tuniniaavinnut annissorneqartunut tunngatillugu tassanissaaq piumasaqaataavoq EU-p Kalaallit Nunaata eqqaani aalisarfinnut naammaginatsumik isersinnaatitaanissaa.

Isumaqatigiissutinut aalajangersakkanullu tamakkununnga Tuluit Nunaat ilaavortaaq, tassa Tuluit Nunaat EU-mut ilaasortaagallartillugu.

Tunisassianik puisinniarnemeersunik niuerneq eqqarsaatigalugu aammattaq puisinniarnemit tunisassianik EU-p inerteqquteqarnerata ataani inuit - nunap inoqqaavisa pineqannginnerat Tuluit Nunaannut atuuppoq, tassa Tuluit Nunaat EU-mut ilaasortaagallartillugu.

2. Tuluit EU-mi ilaasortaajunnaarnissaata malitsigisaanik Tuluit Kunneqarfiannik nutaamik niueqatigiinnissamik Naalakkersuisut sunik suliniuteqarpat?

Akissut:

Tuluit Nunaat suli EU-mut ilaasortaavoq taamaammallu suli nunanut allanut nutaanik niueqatigiinnissamut isumaqatigiissuteqartarnissaminut piginnaatitaaffeqarani, aammattaaq Kalaallit Nunaannut. Siunnersuisoqatigiit Kommissionillu DER-imut (**Det Europæisk Råd**) ilassutaasumik tunaartarisassat suli allat akuersissutigineqarnissaat siunertaralugu siunissami pissusiulerumaartussanut tunngassut pillugit EU27-imi oqaloqatigiinnerit nangeqqittussaassavaat. Tuluit Nunaat aammattaaq ingerlariaqqiffissat tullissaannut piareersartariaqalissaaq. Ingerlariaqqiffissat aappaanni EU-p UK-llu akornanni qitiusumik najugarineqartut agguanneqarnissaannik sammisat nanginneqarnerisa saniatigut ikaarsaariarnermi aqqissuussinissaq pillugu isumaqatigiinniartoqassaaq aatsaallu taamaalereerpat siunissami pissusiujumaartussat tikinneqassallutik.

Taamaattoq siunissami attaveqarnermut tunngatillugu tuluit toqqarlugit iliuuseqarnissaat suli pisimangilaq, taamatutaaq tuluit tungaanniit niuernermet tunngatillugu pissutsit qanoq ittuunissaannik sunik kissaateqartoqarnerseq. Tuluit Nunaat ilaasortaasutut EU-mut ilaasortaajunnaartinnani suli nunanut allanut isumaqatiginninniarinnaanngikkallarpoq. Tunngaviatigut tamannattaaq atuuppoq aalisarseq pillugu isumaqatigiissutinut tunngatillugu.

Apeqquut 1-imut akissutigineqartut innersuussutigineqassapputtaa.

3. Tuluit EU-mi ilaasortaajunaarnerata qanoq Kalaallit Nunatsinnut kinguneqarnissaa pillugu Naalakkersuisut qallunaat naalakkersuisuinik oqaloqatigiissuteqarpat?

Akissut:

Naalakkersuisut danskit naalakkersuisuinik ingerlaavartumik oqaloqateqartarput Tuluit Nunaata EU-mut ilaasortaajunnaarnera Kalaallit Nunaannut qanoq kinguneqassanersaq pillugu. Namminiilivinnermut, Nunanut Allanut Nunalerinermullu Naalakkersuisoqarfik Nunanut Allanut Ministeriaqarfiata Brexit-gruppeanut Nunanut Allanut Ministeriaqarfimmit aquneqartumut ilaasortaatitaqarpoq. Tamakku saniatigut Kalaallit Nunaata Sinniisoqarfia Bruxellesimiitooq danskit aallartitaannik danskit EU-mi sinniisoqarfianneersunik Brexit pillugu isumaqatigiinniarnertit ingerlanerat pillugu ingerlaavartumik oqaloqateqartarpoq.

Naalakkersuisut sinnerlugit Kalaallit Nunaata Sinniisoqarfia Bruxellesimiitooq taamatutaaq siunnersuuteqarpoq danskit EU-mi

sinniisoqarfiat suleqatigalugu sulissutigineqassasoq taamalu Kalaallit Nunaata Brexit pillugu isumaqatigiinniarnermut soqutiginninnera puigorneqassanngitsoq.

4. Kalaallit Nunaata maanna Tuluit Kunneqarfiannik akitsuusersugaanngitsumik niueqateqarnerata attatiinnarnissaa pillugu Naalakkersuisut sunik suliniuteqarpat?

Akissut:

Brexit pillugu EU-p Tuluit Nunaatalu isumaqatigiinniarneri suli naammassineqanngillat. Tassami EU-p aamma Tuluit Nunaata akornanni siunissami niueqatigiinnissamut tunngasorpiaat suli aallartinneqanngillat. Ilimagineqarpoq ikaarsaariarnermi aaqqissuussisoqassasoq taamaalilluni Tuluit Nunaat Toldunionimiiginnartillugu aamma Det Indre Markedimi, Tuluit Nunaata EU-mit aninerata kingornatigut ukiut marluk missaanni atuuttussamik. Taamaattoq EU27-p piumasarisussaassavaa Tuluit Nunaat ukiuni taakkunani EU-mi inatsisinik tamanik malinnilluni ataqqinnissasoq. Tamakkununga tunngasuni isumaqatigiinniarnertigut angusarineqartut aalajangiisunngorsinnaapput kalaallit tunisassiaannut akitsuutitigut pissutsit qanoq saqiumaarnerninut, tassa nunasiaataasimasut EU-p aamma Tuluit Nunaata akornanni nioqputissanut akitsuusiussat pillugit siunissami aalajangersaganngortussanut ilaatinneqalissappata.

Apeqqummut nr. 3-mut akissutigineqartut taamatuttaaq innersuussutigineqarput.

5. Tuluit EU-mi ilasortaajunnaarneratigut EU-p aalisarsinnaanermik pisinnaatitaaffii pillugit isumaqatigiissutaasa qanoq sunnerneqarinnissaannik Naalakkersuisut ilimagisaqarpat?

Akissut:


Oqaatigineqassaaq aalisarnermut tunngassuteqartuni EU-p Tuluit Nunaannut isumaqatigiinniarnissai suli aallartinneqanngimmata.

Maannakut Kalaallit Nunaata aamma EU-p akornanni aalisarneq pillugu isumaqatigiissummut tapiliusaaq 31. december 2020-mi atorunnaassaaq. Brexit pilersaarutigineqartutut pissappat Tuluit Nunaat 29. marts 2019-imi ilasortaajunnaassaaq. Brexit pillugu isumaqatigiinniaqattaarnerit oktober 2018-imi naammassineqassasut naatsorsuutigineqarpoq. Kalaallit Nunaata 2019-ip aallartinnerani nutaamik aalisarneq pillugu isumaqatigiissummut tapiliussassat ulloq 1. januar 2021-miit atuutilersussat isumaqatigiinniutigilissavai.

Naalakkersuisut maannakkuugallartoq Brexit Kalaallit Nunaata EU-mut aalisarneq pillugu isumaqatigiissutaanut tamakkiisumik qanoq sunniuteqassanersoq nalilersinnaanngilaat, kisiannili Naalakkersuisut Brexit

pillugu isumaqatigiinniarnermut Danmark pitsaasumik oqaloqatigiuarlugu
malinnaavigeqqissaarpaat, allaquttussaannngimmammi aningaasaqarnitsinnut
tunngatillugu annaasaqaratarsinnaalluartugut.

Inussiarnersumik inuulluaqqusillunga



Suka.K.Frederiksen